



UKA 2015/161-01

08.10.2015

**Inissiani attartortittakkani ineqarnermut tapiissutit pillugit Inatsisartut inatsisaat nr.  
Xx,xx,xx, 2015-imeersoq**

(ilaqtariinnermut, Naligiissitaanermut Isumaginninnermullu Naalakkersuisoq)

Eqqaamaneqassajunnarsivoq Partii Naleqqamiit ukiorli ineqarneq pillugu Naalakkersuisunut apeqquteqaateqarnitta kingunerisaanik qujanartumik ineqarnermut tunngasut pillugit inuiqatigiinni oqallinnerit annertuut sammineqalerput.

Tassa taamanikkut inatsisartuni suleriaasitta § 37-a tunngavigalugu apeqqutigisatsinnut akissutit inuaqatigiinni soqutigineqaqisut ilaatigut imaattut saqqummermata:

Inuit ilaqtariillu AS INI-miit 398-it, Iserit A/S-miillu ilaqtariit 26-it taamanikkut anisitaasussatut nalunaarsorneqarsimasut

taakkualu saniatigut 2014-imi inuit, ilaqtariillu katillugit A/S INI-immiit 139-it anisitaareersimasut aamma inissiaatileqatigiiffik Iserit A/S-miit piffissami 2006-2014-imut inuit ilaqtariillu katillugit 194-it anisitaareersimasut.

Ilunngullugu aamma eqqaasitsissutigissuarput nunatsinni naatsorsueqqissaartarfiup, kalaallit nunatsinni najungaqtut aningaasarsiaqassutsikkut misissuiffigineqarsimaneraniit takussutissat kingulliit naapertorlugit tamanit takuneqarsinnaammat inuit katillugit 31.146-ut akileraarut peereerlugu 2013-imi aningaasat ukioq tamaat inuuniutigineqarsinnaasut 200.000 kr-it tikiinnarlugit isertitaqarsimasut, taakkunannga inuit 8.195-it 50.000 kr-it tikiinnarlugit isertitaqarsimapput, inuit 7.724it 100.000 kr-it tikiinnarlugit isertitaqarsimapput, inuit 5.939-it 150.000 kr-it tikiinnarlugit isertitaqarsimapput, inuillu 4.169-it 200.000 kr-it tikiinnarlugit isertitaqarsimallutik.

Tassa naatsumik oqaatigalugu inuaqatigiinni inuit aningaasarsiortut akileraarut peereerlugu 75 %-itiisa suna tamaat akilereerlugu inuuniutissaat amerlasuutigut amingarluinnarput.

Taamaattumik tupinnangittumik § 37-ikut apeqquteqarnitsinni naalakkersuisut akissutaanni takuneqarsinnaavoq inuit ilaqtariillu qanoq amerlatigisut inigisaminniit akissaqannginnej pissutaalluni anisitaasimasut, anisitaasussatullu inissisimasut.

Taamaamat-una aamma aningaasanut inatsisisatut siunnersuut suliarineqarmata, aamma 2016-imut aningaasanut inatsisisat siullermeerneqarnerani inuit pissakinnerusut aammalu akunnattumik aningaasarsiallit inuuniarnikkut angummanniapiloortut artorseqqinnejqaqqinnginnissaat qulakkeerniarlugu arlaatigut aqutissiuussisariaqartugut.

Kisianni tassa manna tikillugu inuit pissakinnerusut akunnatumillu aningaasarsiallit annerusumik illorsorneqanngillat, illua-tungaatigulli suli annerusumik artorsinneqarnissaat naalakkersuinikkut suliniutigineqarpoq.

Tassami takoreerparput 2016-imut aningaasanut inatsisisatut siunnersuut siullermeirlugu inimi maani siullermeerneqarmat nioqquqtsanik ikummatissanullu akitsuusiinissaq anguniarlugu Naalakkersuisut siunnersuuteqarput.

Ukioq ineqarneq pillugu Naalakkersuisunut apeqquteqarnitsigut qulaarsinitta kingorna Naalakkersuisut ineqarneq pillugu isumasioqatigiisitsimmata isumallualeraluarpuget ineqarneq pillugu ajornartorsiutit oqilisarneqarnissaat pilligit Naalakkersuisut maannakkut ataatsimiinnitsinni saqqummiussiumaartut.

Kisianni ineqarneq pillugu inatsisisatut siunnersuut maanna Naalakkersuisuniit saqqummiuneqartoq minnerpaamilluunniit inunnunut akiliisinnaassutsimik ajornartorsiuteqartunut malunnaatilimmik oqilisaassivigineqarsinnaanerannik periarfissiinngitsoq takusinnaavarput, illua-tungaatigut siunnersuutikkut ugguna inissianit attartortittakkaniit ukiumut 12,8 mio kr-inik sipaaruteqarnissaq naatsorsuutigineqarpoq.

Tassa naatsumik oqaatigalugu ineqartut suli annerusumik inatsisisatut siunnersuutikkut sipaarniarfiginiarneqarput.

Siunnersuutip qulequtaa Partii Naleqqamiit takugatsigu isumallualersimangaluarpuget, tassami maannamut ineqartut ajornartorsiuterpassui assigiinngitsut pilligit oqaluttarfik manna atorlugu saqqummiussuussimasavut, minnerunngitsumillu upernaaq ataatsimiinnitta nalaani ineqarneq pillugu isumasioqatigiinnerup kinguneranik ineqartunut oqilisaassisqassasoq.

Manna iluatsillugu utoqqartatta allakkatigut saaffiginnissutaa kingulleq, inatsisartut partiillu tamarmik tigoriingaat inatsisartunut Partii Naleqqamiit eqqaasitsissutingaarpot, tassani ilaatigut

utoqqarpassuit ineqarnikkut ajornartorsiutigisartagaat oqariartuutigineqarmata aamma tassani utoqqaat namminerisaminnit illulli arlaannaatigulluunniit ineqarnermut tapiiffiqeqarsinnaanngitsut.

Partii Naleqqamiit siunnersuut manna ilalerneqassappat inatsisartunut minnerpaamik kaammattuutigissuarput ineqarnermut tapiissutit (boligsikring) nalilersuiffigeqqinnejartariaqartoq, soorlu assersuutigalugu ineqarnermut tapiissutinut kiassarnerup ilaatilerneqarnissaa § 4-imut aaqqiissuteqarfingineqassasoq.

Tassami ilumoorsinnaanngilarmi assersuutigalugu utoqqaq 80-nik ukiulik inuiaqatigiinnilu sulilluareersimasoq, ataatsimik sinittarfilimmik ukiorpassuarni iluarsanneqarsimannngitsumik najungalik, qaammammut 8.801, kr-inik utoqqalinersiutinik tigusartagalik ineqarnermut ukiumut akiliutigisartagaasa naatsorsornerat qiviaraanni, tassa:

Ineqarnermut akiliut 19.764,-

Erniat piginnittumut 4.764,-

A/SINI-p ingerlatsineranut 4.852,-

Kiassarnermut 16,320,-

Imermut 1.225,-

BPS-imut 144,99

Innaallagissamut 4.620,-

Katillugit 51.689 kr-inik akiliuteqartarpooq.

Illua-tungaatigulli tusaamavarput inuit pisoorsuit inissialiortiternermut pisortaniit aningaasanik ukiuni 20-ini erniaqanngitsunik akilersungassaanngitsunillu tapiiffiqeqarlutik ineerannguanik ilinniartunut allanullu qaammammut 10.000,- kr-it pallillugit akilersuisitsisut, ineqarnermut tapiissut (boligsikring) iluqutsiullugit.

Taamaattumik Partii Naleqqamiit piumasaqaatingaarpuit ineqarnerup inunnut pissakinnerusunut akunnattumillu aningaasarsialinnut oqilsaassiniissaq anguniarlugu tamaviaarullu inatsisisatut siunnersuutip matuma suliarineranut atatillugu aaqqiiniartariaqartugut.

Ilumoorsinnaanngilarmi inuit pissakinnerit inigisaanniik aniatinniannguarlugillu, inuit aningaasarsiornikkut ajornartorsiuteqanngitsut nammineerlutilu ikiliisinhaalluartut inissialiornermut tapiiffigineqartuarnissaat.

Taamatut Partii Naleqqamiit siunnersuut oqaaseqarfingaarpuit – ineqartunullu pissakinnerusunut akunnattumillu aningaasarsialinnut oqilisaassinissamik siunnersuutivut isumaqatigineqassappata siunnersummut suleqataanissatsinnut piareersimavugut.